



## **Universitätsbibliothek Paderborn**

**Cornelii Iansenii Episcopi Iprensis Avgvstinvs**

In Qvo Genuina sententia S. Avgvstini de humanæ naturæ stantis, lapsæ,  
puræ statu & viribus eruitur & explicatur

**Jansenius, Cornelius**

**Lovanii, 1640**

6. Adamus liberum habuit arbitrium, quid liberum sibi velit.

**urn:nbn:de:hbz:466:1-13673**

potus, ne sitaret, lignum vita, ne illum senseret & dissolveret. Nihil corruptionis in corpore, vel ex corpore ulla molestia ullis ejus sensibus ingerebat. Nullus intrinsecus morbus, nullus ictus metuebatur extrinsecus. Summa in carne sanitas, in sanitate juventutis amoenitas, in omnibus sensibus quies, in anima tota tranquillitas. Sicut in paradyso nullus astus aut frigus, sic in ejus habitatore nulla ex cupiditate vel timore accedebat bona voluntatis offensio, nulla retardatio, nullum impedimentum. Nihil omnino triste, nihil erat inaniter letum: nihil boni, quod bona voluntas adesse optaret, aberat; nihil mali quod abesse desideraret, aderat. Gaudium verum perpetuabatur ex Deo, in quem flagrabat charitas, ex corde puro, & conscientia bona, & fide non facta. Inter se conjugum fida ex honesto amore societas, nullus inhibens voluptatis ardor in animo, nullus concupiscentialis altus in corpore, nullus pudor in fronte; ubi nec virum stimulabat sua, nec alterius eum libido tentabat: concors mentis corporisque vigilia, mandati sine labore custodia. Non laistudo fatigabat otiosum, non somnus premebat invitum. In tanta bonorum abundantia summa securitas, eam sine ulla omnino interpellatione duraturam, nisi eam ipse propriæ peccantia voluntatis abrumperet. Quidquid enim illi divinitus collatum fuerat, ab unico fortissimoque proprij arbitrij motu

A suspensum esse Deus voluit: ut quemadmodum ei ipse bonorum omnium autor fuerat, ita de divina benignitate & diaboli hostilitate fecerat, neminem malorum suorum autorem, nisi seipsum, timere vel potius accusare cogeretur. Nam neque sui ipsius timor ibi esse poterat, ubi nihil ei vel ex seipso mali, preter ipsam liberam voluntatem posset accidere. Quod si quis penitus fundamenta pernoscere desideret, qui bus tota ista doctrina nititur, quam quinque precedentibus capitibus tradidimus de creatione primi hominis in charitate, in corporis & animi tranquillitate, sine molestia quorumcumque appetituum, sive laudis & excellentiarum, sive quarumlibet voluntatum; sine mortis aut mortalitatis miseria, sine laboris aut doloris afflictione: & cur istiusmodi commodis privari vel incommodis affligi, sub Dei omnipotentis justissima providentia, non potuerit ante peccatum; legat illos tres libros, quos de statu pure naturæ ex D. Augustini mente contra gentilium Pelagianorum, & multorum recentiorum Philosophiam scripsimus. Sed jam de arbitrij libertate, an & qualis in Adamo fuerit, & quo divine gratie adjutorio indigerit, paucum accuratius dicendum est. Nam præcipue istius ergo à nobis dicta sunt, quæcunque haec tenus de interna hominis externaque tranquillitate, malorumque omnium vacuitate disseruimus.

## CAP V T S E X T V M.

Adamus liberum habuit arbitrium. Quid liberum sibi velit.

**A**RBITRIVM igitur Adamo liberum fuisse datum, nulla omnino in Catholica doctrina dubitatio est.

Tradit hoc sapissimum disertis verbis

*Concione 1.* Augustinus: *fecisti hominem, dediti ei liberum in Psal. 70. arbitrium, in paradyso collocasti &c.* Et rursus: *Lib. de casu. Qui enim hominibus dedit liberum arbitrium, ut non obiz. rudiibus servili necessitate, sed ingenua voluntate Deum colarent, dedit etiam Angelis.* Et in Enchiridio: *Sic Cap. 25. En. enim muneras libero arbitrio, ut tamen regeret imperio, terneret exitio.* Quam doctrinam multis alijs in locis tam de Angelis, quam homine primo repetit, & Concilium Arauficanum in diversis Canonibus tanquam indubitatum tangit atque supponit.

Porro duo sunt, quæ tam Augustinus, quam Canones isti ex Augustini doctrina sumpti significata voluerunt. Num est, datum fuisse homini primo potentiam, seu facultatem illam, quam vulgo liberum arbitrium appellamus: sine cuius motu, hoc est, voluntate sive voluntione nihil recte aut properam, ab homine aut Angelo, sive stante, sine jam lapsum, tam in celo, quam in inferis, cum creaturis rationabilibus perseverat. Quo sensu dixit Augustinus: *Semper est autem in nobis voluntas libera, sed*

*A non semper est bona.* Et hoc sensu Catholici adversus Manichæos assere ac tueri solent, datum esse homini liberum arbitrium, ex quo peccata promanarunt. Sed adversus Pelagianos longè alius istarum phrasium sensus est. Alterum igitur est, datum fuisse homini primo in sua conditione certum quandam & laudabilem illius potentiam statum, quæ magis propriæ & quali auctoritatis ab Augustino, & ipsâ Ecclesiâ Catholica, *Libertas* dici solet: & ab eodem plerumque *vera libertas* nuncupatur, juxta illud Christi: *Si vos Filius liberaveritis, tunc vere liberi eritis.* De ista enim libertate loquitur Augustinus, cùm dicit: *Qui enim De me. (primum hominem) nescit sanum, & inculpabit, lib. factum, & liberum arbitrio, atque ad iustæ vivendum potest libera constitutum?* Vbi non urgat generalem illam naturam liberi arbitrij, qualis & demonibus & hominibus pervertis competit: sed illam specialem conditionem, de qua diximus. Quod maximè ex eo patet, quia libertatem illam jam peccato tum ibi tum alibi perditum docet: cùm tamen facultas liberi arbitrij non sit perdita. Vnde mox adjungit: *Sed nunc de illo agitur, quem semi-vivum latrones libid. reliquerunt &c.* Et luculentius alibi: *Arbitrium Lib. 14. lib. voluntatis suum est vero liberum, cùm virtutis peccatisq; Cantic. 11. non ser-*

*Liberum degradat  
et lib. arb.  
p. 13.*

97 non servit. Tale datum est à Deo, quod amissum pro A naturę suę conditione omnibus creatis rebus  
 p̄io virtu, nisi à quo dari potuit, reddi non potest.  
 Vnde veritas dicit: Si vos Filii liberaverit, tunc verè  
 liberis eritis. Et in libro de correptione & gratia:  
 Lib. 12. Illi ergo si peccato illo data est, cum qua conditus  
 est, voluntas libera, & eam fecit servire peccato: b  
 horum verò cū fuisse voluntas serva peccati libera-  
 ta est &c. Quia doctrina Augustino familia-  
 rissima est, & postea ex scriptis, & ipfissimis  
 verbis ejus, canone per Ecclesiam sancta.  
 Locus enim quem ex decimo quarto de Civi-  
 tate Dei citavimus, est Canon Concilij Arau-  
 sianici decimus tertius. Prima itaque appellatio  
 ista liberi arbitrij generalis est: secunda valde  
 specialis: qua tamē inter se magnam affini-  
 tatem habent. Quotquot enim libertatem con-  
 cipere volunt, apprehendunt aliquid quod non  
 est captivum, non servum alteri, expeditum  
 ab alio, non alligatum illi. Vnde Iudicii Do-  
 mino libertatem promittenti dixerunt: Ne-  
 mani servimus unquam: quonodo tu dicis: Liberi  
 eritis? Experimentes libertatem per negatio-  
 nem serviendi, sicut & Augustinus loco cita-  
 to, & alibi saepius: sive negativis illis expre-  
 sionibus aliqua proprietatis negativa, sive etiam  
 positiva significata sit: qua magis in iustimo  
 di verbis elucet, quibus liberum dicitur esse,  
 quod est sui finis, & sua potestatis, ut vocavit Ter-  
 tullianus, vel quod est sui causa, ut Aristoteles.  
 Ista quippe positivam quandam conditionem  
 videntur tangere, quam tamē vix explicare  
 possumus, nisi dicendo, id esse suę potestatis &  
 iuri, quod non servit alteri; sed potius illi alia:  
 id sui causa esse, quod non refertur aliō, sicut  
 mediū ad finem, quemadmodum ibidem indi-  
 cat Aristoteles. Hinc ergo sit, ut libertas na-  
 turā suā dominetur, & aliud in sui obsequium  
 trahat: servitus verò dominatum illum alterius  
 respiciat, ut cui jure submissionis obstricta est.  
 Atq; ita libertas est ipsius finis; servitus verò  
 eorum, quae sunt ad finem. Hinc ultimi finis  
 summa libertas est. Quia summo modo est  
 propter se, nullam umbram servitutis admittens.  
 Sic enim & ipse Deus summus, & verus,  
 & perfectus est Dominus, cui omnia serviunt,  
 juxta Psalmum. Quia omnia serviant tibi; ipse ne-  
 mini: idq; sive naturam ejus species, sive amo-  
 rem. Nam ut omnium finis est; ita & scipsum  
 non tanquam sui ipsius, sed tanquam omnium  
 rerum à se dilectorum finem intueretur; ut ita  
 nemini affectu, sed sibi soli, si dici fas est, ser-  
 viat, hoc est, ut ipse sit ipfissima libertas, cu-  
 jus comparatione, quidquid universum conti-  
 net, serviat. Quo autem aliquid ultimo illi fini,  
 summoque Domino propinquis jungitur, sive  
 substantia suæ, sive amoris conditione; co-  
 propinquius quoque ad ipsam essentialiter li-  
 bertatem, quæ Deus est, & ad apicem omnis  
 sua vera libertatis accedit. Ad quam quia  
 nulla creatura ita accedere potest, ut Deus fiat,  
 nulla etiam potest esse essentialiter libera; sed  
 libertatis, sive in Dei natura, sive in ejus vo-  
 luntate relictentis, magis magisque particeps.  
 Hoc autem habet creatura rationalis, ut sicut

sem. 48. de  
 min. Domi-  
 ni. t. 2. 3. O  
 4. de Civit.  
 1. 3.  
 Tert. 2. cont.  
 Matt. 6. 5.  
 C. 6.  
 Aug. 1. Ad-  
 urb.

Psalm. 118.  
 Lib. de spir.  
 & lit. c. 30.  
 Lib. 1. cont.  
 ad vers. legis  
 melioris.

E in altero

in altero velut principio causaque sue beatitudinis acquiescere. Omne vero, quod ad alterum ordinatur, eo inferius esse, necesse est. Qui vero amat, non ut fruatur sed ut utatur, rem amatam ad scipsum ordinat. Quo fit, ut ipse sit principium; res vero, qua uitur, ad principium: ipse velut superior ostendo dominetur; haec serviat subiacendo. Sic ergo creatura rationalis, hoc ipso quo Deo velut ultimo fini suo, velut independenti liberimoque creaturarum omnium Domino, velut ipsi essentialiter libertati subditur, fit quidem summe libera, creaturarum sibi subjectarum domina, ab omni captivitate nexus & servitutis vinculo expedita, ab omnibus independentes; sed serviendo fit libera. Vnde Augustinus servitatem illam, salubrem rationalem, cont. Iul. 27.

*In Enchirid. et. cont. Iul. 27.*

*lib. 14. de Civit. c. 15.*

lis creaturae servitatem vocat, quam male libero abrupit arbitrio. Et alibi, arbitrium vocat laudabiliter liberum. Etenim servitus amoris. Nam ipse amor, per quem principio suo serviendo subditur, hoc est, ipsa servitus ejus, est libertas ejus: quam eleganter Augustinus liberam servitatem vocat. *Deo enim servare regnare est:* quia servitus creatoris seipsa servientem creaturarum Regem ac Dominum facit, ut, parto per ipsam illam servitatem verissime libertatis statu, creaturis omnibus affectu suo dominetur, utaturque liberè, prout dilectio creatoris imperaverit.

Nec sane mirum videri debeat, quod vera plenissimaque libertas creaturae cum hujusmodi servitute consistere queat, cum hujus rei effigies in civili quoque illa notissimaque libertate cernatur. Nam corpora ubi nata sunt, ibi in patria esse dicimus; & si vero suo Principi, veroque Domino legitimè imperanti serviant, esse libera: si inde per vim abripias, exulant, captiva sunt, serva sunt. Ingenua quippe & libera servitus est, qua legitimo Domino servitur liberaliter. Vnde à tali servitute etiam liberi appellantur. Contingit in animis aliquid simile. Nam vera regio, & patria ubi nascitur anima, veritas est, hoc est, Deus: haec patria, haec pater, haec dominus ejus est exilium, oppressor; ac tyrannus ejus, creatura. Ex quo fit, ut si anima aeterna veritati habeat, illam diligit, illa fruatur, ex ejus spiritu vivat, in vera sua patria vivat, & tanquam vero suo Domino subdita in summa libertate versetur. Nam ubi spiritus Domini; ibi libertas. Inde si exeat, in exilium rapitur, captiva fit, serva efficitur. Nam extra patriam qui esse possit, nisi exul, serva, captiva, tyrannidi alterius subdita; ut quae verum Dominum suum dereliquerit? Omnia ista amore peraguntur:

*Ang. Psalm. Pedes enim nostri in hoc itinere, affectus nostri sunt: prout quisque affectum habuerit, prout quisque amorem habuerit, ita accedit, vel recedit a Deo; D his propinquamus, his distamus; his similes, his dissimiles; his hospites & adveni velut patris extores, his cives sanctorum & domestici Dei; his denique liberi, velut ab ipsa re-*

A ritate liberati, his servi corruptionis, & peccato captivi sumus. Quid ergo mirum, si Augustinus & Ecclesia illam ubique libertatem predicent, quia creatura rationalis Deo per amorem subdita, ab omni creature servitute & captivantis dilectionis visco vacua, in aeterna amplissimaque regiane veritatis velut patria sua super omnes omnino creaturas, non solum naturae ordine, sed aetuum quoque absoluzione, liberissimis penitus voliter? Hoc est ergo libertas illa, quam Augustinus & Ecclesia arbitrio primi Adami tribuunt, & ejus peccato perditam genuit.

Nam felicissima libertas illa, ut amor creatoris incipit; ita codem crescente, & ad ultimum, incrementum & perfectionem sumit. Quo enim arctius creatura creatori suo, hoc est, ipsissima libertati sua subditur, eo filiorius. Ipse enim amor creatoris sive veritatis, est formalis libertas ejus. Ex quo efficitur, ut si immobiliter heret liberanti se veritati, immobilis etiam fiat libertas ejus; si mobiliter, ab illa quoque possit excidere. Mobilis igitur libertas Adamo data est, ut apertissimus esset ejus merito locus: immobilis in premium reservata; nisi mobilem illum libertatem peccando, hoc est, petulantia flexibilis in malum voluntatis abrumperet. Servandi enim erant gradus divini munus, hoc est, concessa divinitus libertatis, ut premium daretur liberum arbitrium, quo non peccare posset bono: novissimum quo peccare non posset, atque illud ad comparandum meritorum, hoc ad reipendendum premium pertinet.

Itaque mobiliter Adam per illum amorem creatoris liber fuit, ut excedere posset; & in eopermanente, si vellet: atque ita in quodam confinio vita & mortis constitutus, ut utramlibet, vitam aut mortem elegil, utrilibet ipsi aeterna, & per hoc, aeterna quoque libertas, vel servitus redderetur: cum nihil justus esse queat, quam ut id quisque inaccessibiliter ad fruendum teneat, quod libi ad amandum liberè voluntate delegit. In hoc enim justissima meriti premisque ratio constituta est. Ad utrumlibet igitur, hoc est, ad bonum & malum, ad vitam & mortem, ad amorem Creatoris & creaturae, ut sepiissime Augustinus docet, illa prima libertas indifferens fuit. *Quibus, inquit, ( primis hominibus ) potestatem utrum vellent dedit.* Et in libro de correptione & gratia: *Quod ( arbitrium ) tunc ita liberum erat, ut bene velle posset, & male. Et in Enchiridio ad Laurentium: Sic enim oportebat prius hominem fieri, ut & bene, & male velle posset, & male; nec gratis, si bene, nec immobilitate, si male: postea vero sic erit, ut male velle non posset &c.* Cur ergo non condidit hominem ita plenè liberum, ut peccare non posset? quia ordo prætermittendus non fuit: in quo D. n. voluit ostendere, quam bonum sit animal rationale, quod etiam peccare posset; quamvis sit malum, quod peccare non posset,

in isto

In isto ergo stadio constitutus Adam, cum ad utrumlibet contrariorum esset indifferens; atque ita per amorem creatoris liber ab amore creature, ut felicem illam libertatem, alia libertate posset abiecere; non ei placuit in illa creatoris servitute & subjectione persistere; sed ad se conversus, qui ad creatorem debuit, se velut principium sui libertatis & voluntatis intuendo, per superbiam se Deo prætrulit; & dum nefcio qua imagine libertatis illi servire noluit, cui naturaliter servit ac subjacet, in veram servitutem, amissam libertatem, præcipitus est. Nam quamvis liberior esse videretur, nemini omnino alteri serviendo, nec ipse quidem Deo; hoc ipso tam non isticud non nisi amore finis alterius fieri potuit, qui, ut suprā diximus, naturaliter amanti frumentique dominatur, in pessimae servitutis genus incidit; quā creature illa, cujus amore, velut finis sui adhæsione, lapsus est, voluntati ejus dominatur, & velut servum bello partum firmissimè possidet, & captum tenet. Nam à quo quis devictus est, huic & servus addictus est. Hæc autem alia non potuit esse creature, quam ipsam etiā, quæ inter Deum, ceterasque creature quasi in medio constituta, Deo inferior, ceteris superior, excuso superiori iuglo, ipsa sibi dominari voluit. Quid enim poterat post Deum amare tam sublimis mens, nisi id quod post Deum sublimissimum occurreret? In quid primò poterat cadere, nisi in id quod Deo, unde labebatur, & sibi qui labebatur, proximum fuit? Hoc est autem mens ipsa sibi. Nec enim quicquam externum primo illo creature amore appeti potuit; cum omne rei alterius desiderio, præexistentis sui ipsius amoris indicium & proles sit. Amorem enim indigus, quo quis aliud aliud appetit, non rei quam appetit, sed indigeni appetit. Sibi ergo appetisset, si quid appetisset; se ergo amasset, antequam aliud appetisset. Necellatio quippe aut corporis aut animi sui bonum, aut utriusque secessus esset, quod deficiente adipisci voluisse. Hoc autem nemini adeptum voluit, nisi sibi ipsi; atq; ita quidquid tandem veluti finem sua rebellionis intueri videretur, in semetipsum veluti finem ultimum cui suę defectionis atque dilectionis retulit, quem multò arctius, & intimius, & universalius in cuiuscunque concupiti boni dilectione ne diligeret. Vnde optimè Augustinus: *Amores omnes & dilectiones prius sunt in hominibus de se, & sic de alia re, quam diligunt. Si diligis eum, prius te diligis, & sic aurum. Sic igitur iam tum non modo civitates duas; sed etiam libertates duas, ac servitutes duas facere ac distinguere cœperunt, amor Dei usque ad contemptum sui, & amor sui usque ad contemptum Dei.* Nam quemadmodum ille castus amor Dei, quem ei condendo creator inseruerat, liberissimum ab omnium creaturarum vinculis, tamen servum justitiae, hoc est, Dei veri Domini sui fecerat; ita vicissim perversus ille, in quem cecidit, amor sui, liberum cum à justitia ac Deo; servum vero sui ipsius fecit, omniumque omnino creaturarum, in quas postea amor sui jam recens natus exardecseret. Nam amor ille sui, quo scipio quodammodo, deficiente à Deo, frui velle videbatur, non sterit in se; sed continuè suam expertus est indigentiam, & à scipio sensit se beatum esse non posse. Hinc igitur, cum sursum esset præclusum iter in Deum, quem veræ beatitudinis fontem homo deseruerat, deorsum ulterius in creature alias pergere compulsus fuit; ut in illis id, quod sibi deesse sentiebat, adipisceretur. Hic igitur infinitarum cupiditatum exercitus ebulliit, quatum vinculo creature amatis artissime colligatus, non sui ipsius tantummodo, sed & ceterarum rerū omnium, quibus propter seipsum amore copulatur miserius servus effectus est. Seipsum enim in omnium aliarum rerū dilectione maximè diligit; seipsum in eorum omnium fruitione amplius & nobiliter fruatur, ut cui per omnia maximè consultū cupit. Sed quia ars naturam, & creature creatorem etiā peccando imitatur, dum quandam defectivam speciem, vitio fallente, appetit, quæ non nisi in creatore vera reperitur; hinc in illa creaturarum servitute umbratica quædam species libertatis ab homine appetita est. Cum enim Deus non tantum ab omnibus creature liber, sed ipsa libertas sit, scipio tamen solo velut liberissimus fruitur, in quem tunc ei serviendo referuntur; nullacem libertatis umbram intuendo, etiā ab ipso vero Domino suo liberari voluit; ut quemadmodum Deus, nemini omnino serviendo nisi sibi, seq; ipso fruendo, sui penitus juris, suę potestatis, ab omnibus omnino liberissimus viveret. *Quid in Psal. 17.*

*illī debeat, ut tangeret lignum vetitum, inquit Augustinus, nisi quia sua potestate uti voluit, præceptum rumpere delectarit? Ut nullo sibi dominante fieret sicut Deus, quia Deo nullus utique dominatur. Sed hæc ipsa libertas, umbratica tantum libertatis est species, verissima vero servitus; quia à vero iustoque Domino avulsa, in scelissimi & tyrannici amoris sui iphis, ceterarumq; sub-servientium cupiditatum jugum & captivitatem incidit: à quibus nullā humanā vel Angelicā potestate, sed solā Dei potentis gratiā liberari potest. Sed quia servitus etiā ista quandam libertatem à justitia, hoc est, à Deo cōjunctam habet, qui non amplius fugitive sue creature voluntatibus dominatur, & hoc ipso, quod seipsum creature velut finem omnium suarum actionum colit, amplitudinem quandam videtur adipisci, quæ omnibus omnino rebus uti potest, prout amatus ille finis postulaverit: hinc est, quod illa servitus quoq; quædā libertas, etiā defectiva, esse videatur, & ab illa quoq; dicatur Liberum arbitrium. Prima quippe vocis liberi significatio videtur esse abstractior, & quid commune ad libertatem veram, & mancam, genuinam & servilem, solidam & umbraticam; ita ut quodammodo in illas duas libertatis differentias dividatur.*

*Sed ex illis, quæ haec tenus diximus, facile est utriusque libertatis similitudinem & dif-*

E 2

*Hab. 37,4 de  
Cris. c. ult.*

crimen agnoscere. In hoc enim una alteri similis est, quod utraque ipso vocabulo respectum quemdam ad terminum quasi à quo arbitrium liberatur, involvat: dum illa à peccato, hoc est, à creaturis dilectis arbitrium captivantibus; hæc à justitia, hoc est, à Deo vero Domino, immunem & absolutam facit. Utique non in naturis ipsis, sed in affectu sita est; utraque per primum precipuumque arbitrij motum, & cardinem omnium motuum ceterorum, hoc est, amorem confortur; utraque per amorem, non quemlibet, sed ipsius ultimi finis; illa Dei, ista creature. Et quia illius, quod ut finis ultimus diligitur, maxima quedam competit universalitas, & amplitudo, & independentia; utpote ad quem cuncta referri, cui cuncta servire, à quo cuncta pendere debent: hinc est quod utraque libertas independentiam quandam sonet, & conferat, respectu eorum, quæ comparatione finis illius assumi vel respici debent, pro ut finis amati rationes postulaverint. Hinc consequenter utraque sui iuris, sue potestatis esse facit; utpote nulli ex ijs, quæ ad finem amatum referenda sunt, adstrictam; ut in ijs assumendis & averiandis, facere possit quod velit, quæ ad libertatis rationem pertinere supra diximus. Utique ita libertatis rationem obtinet, ut tamen aliquid servitutis coniunctum habeat; sed illa respectu veri Domini æternæ veritatis ac Dei, ex quo fit, ut potius vera libertas, quam servitus nominanda sit; hæc respectu tyranni, ipsius videlicet creature, seu, quod in idem reddit, amoris & cupiditatis ejus: quæ propter ea potius vera servitus, quam libertas dici debet. Et propter istas multiplices utriusque libertatis similitudines factum est, ut abstracta ab utraque & utrisque communi significacione, communiter liberum arbitrium vocetur, prout Deo, beatis, & damnatis Angelis, & homini viatori communiter convenit, prout ad utramque istam libertatem est indifferens.

*Pegratio  
& lib. arbit.  
sc. 15.*

Ex ista enim vocis istius usurpatione Augustinus dicit: Semper est autem voluntas libera, sed non semper est bona. Aut enim à iniuria libera est, quando servit peccato; & tunc est mala: aut à peccato libera est, quando servit iustitia; & tunc est bona. Vbi breviter pleraque eorum, quæ diximus, refigit. Ostendit enim unde utraque libertas dicatur, respectu termini scilicet à quo: ostendit utramque quandam servitutem habere coniunctam: ex quibus duobus cetera quæ diximus facile colligi & inferri possunt. Et alibi, cùm citasset illum Scripturæ locum: Cūn esset servippeccati, liberi fuisse iustitiae statim

adicit: Ecce ostenditur, etiam peccato minime potuisse, nisi alia libertate servire. Liberi ergo à iustitia non sunt, nisi arbitrio voluntatis: liberi autem à iustitia, peccato non sunt, nisi gratia Salvatoris. Quæ doctrina sexcentes ab Augustino diversis locis iteratur. Hæc est ergo vera ratio libertatis & liberi arbitrij, prout ab Augustino in hac materia, & post ipsum ab Ecclesia spectata fuit. In qua Augustinus ac discipuli ejus magis ipsam liberationem à servitute, hoc est termini à quo, quem nomen ipsum indicat, quam illam à medijs independentiam, & utendi vel non utendi amplitudinem, spectaverunt; posteriores Doctores è contrario potius illam independentiam & amplitudinem, quæ ex amore ultimo finis, sive veri, sive opinati, respectu mediorum consequi solet. Nam inde proficiscitur, quod semper ad rationem libertatis illam indifferentiam, & quasi ab utroque extremo independentiam postulant, ut videlicet semper agere possit, & bene, & male; vel certè agere & non agere. Sed qui secundum istud ad rationem libertatis postulant, fortasse tolerandi sunt: qui primum, in ipsam impingunt Catholicam fidem. Nam Adam quamvis, ut suprà ex Augustino demonstravimus, ita liber fuerit, ut & bene velle posset & male: atque ita istam contrarietas indifferentiam obtinuerit; Evidet nullo tamen pacto istud ad libertatis sive rationem sive exercitum pertinere judicandum est. Cum enim libertas Augustino nota per amorem aliquis ultimi finis, sive Dei sive creaturæ conferatur; per absurdum est ad eum rationem pertinere, ut arbitrium in illo amore dilecti finis ita mobile & instabile maneat, ut illum semper possit abrumptere, vel amorem alterius oppositi finis assumere. Hoc enim commentum fides destruit, quæ docet, tam beatos quam dannatos immobiliter in item electi ac dilecti finis amore permanere. Sed ista liberi arbitrij mutabilitas solis Angelis & homini primo viatori, propter rationes aliquas supra tactas, peculiaris fuit. Nam etiam lapsus homo in amore dilectione semel creature persistet immutabilis, nisi mutatio per dexteram Excelsi fieret, qui potentissimè gratia, lapsi hominis voluntatem à rebus creatis in se retrorquet, eamque ab amata creature, hoc est, à cupiditatibus terrenarum vinculis liberando, se denuo verum ejus ultimum finem ac Dominum diligere facit. Sed de natura liberi arbitrij secundum profundissimi Doctoris nostri mentem, & de indifferentijs istis contrarietas & contradictiones, quæ strictam hic attigimus, erit alibi fusijs differendi locus,

CAPUT